


Societas nunc pro templo utitur, delatus est, tamdiu istic piâ veneratione colendus, donec in nouum, quod DEO adiuuante nunc con- surgit templum, tansferendus, debitâ religione ac cultu honoretur. Ob tempestates noxias, ipso invocato, sæpius mirabiliter Cælo serenato fugatas, eius publico typo expressæ imagines, unâ cum tribus Chronographicis, sacrum eius adventum exprimentibus, illud Ecclesiæ adie- ctum supplicium: S. DONATE Martyr ora pro nobis, ut liberemur à fulgure & tempestate. Ex eius Collegij Annal.

IVLIVS.

Die I.

 HUMBIS, siue in pago Thumb prope Nideccam Iuliacense Municipium translatio trium SSS. Virginum FIDEI, SPEI & CHARITATIS filiarum S. SOPHIÆ, que sub ADRIANO Cesare anno partæ salutis C. XXX. cum neque blanditijs, neque minis à Christianâ fide declinantes paratè potius mori, quàm fœdari moribus Ethnicorum, constanter prætoris impietatem essent detestatæ ferro cæsæ victrices animas Cælo transmiserunt. Triumphat etiâ insigni hac Virginū

Q

Triade

Triade earumque reliquiarum parte GUNDELFONSTEIN
Oppidum in Prumia tanto quoque thesauro ditatum.
Ex Annal. Perar.

II.

CREVENRADII in nobilium Religiosa-
rum Montium Asceterio adventus Reliquiarum
S. CATHARINÆ Virginis & Martyris; quæ
multis retro sæculis, & ad nostram hanc
usque ætatem multis virtutibus coruscant.
Acquisiuit eas nobili Monasterio venerabilis Virgo
CATHARINA Comitissa de Huchesvagen isthic
Religiosa A. C. M. CC. IX.

IV.

CLoriosa memoria ELIZABETHÆ Cognatæ
B. RICHEZÆ, Portugaliæ Regi DIONYSIO
nuptæ, quæ Regum Pacificatrix, annis ferè post
mortem trecentis, suavissimo Corporis incorrupti
odore perseverat; & nuper totius orbis Christi-
ani applausu ab VREANO octavo ritè sanctis ad-
scripta est. *Ex vit. Eiusdem.*

VI.

CAudet hodie Cive suo Consule NOVESIVM
Vrbs ad Rhenum non ignobilis, qui Comen-
sum olim Antistitem agens, loca plurima magnis
virtutibus

virtutibus ditavit, quem nomine suo *Novesium* imo, ni fallor, *suo ille Novesium beavit. Ex Annal. Per.*

VII.

Theodorus eius nominis *nonus Comes, sextus & vigesimus Clivensis*; cui virtutum fama celebre *cognomen* a pietate fecit. vixit sub *HENRICO septimo Luxenburgensi, & LUDOVICO quarto Bavaro Imperatoribus, ex Margaretha ultimi Gerdrie REINHOLDI Comitis gnata. Vnicam tantum Filiam reliquit, Margaretham etiam appellatam, ADOLPHO quinto Marcano Comiti in ordine decimo nuptui datam.*

Quibus vero artibus *Heros hic* ad Provinciarum suarum & *augustissimos* per imperium titulos ascenderit, ut *Pius* audiret; gradus illi fecerunt in primis erga *DEVM insignis religio* & *admiranda eius virtus, quæ ornare ex decoro Principem posset.* Nec minus *spectabilem reddidit eum prudentia, non illa quidē Pseudopolitica & quæ in Carnis simulationis & dissimulationis puncto consistat, sed quæ altioribus, atque à Deo, & verè prudentibus probatis principijs innixa nemini non amabilem & commendabilem præstitit Piumque fecit.* Hanc nominis eius pietatem ita sanè auxit *nativa eius clementia, ut sive à manifestis hostibus, si-*

ve suorum & sanguine Coniunctorum, & col-
latis in illos beneficijs obnoxiorum iniurijs la-
cessitus, facilius ferme contra diffidentium spem
& expectationem fuerit ad veniam largiendam,
quàm illi ad deprecandum prompti, & accurati.

Docuere hanc clementiam gesta eius bel-
la, nunquam nisi pro pace & religione prove-
henda, & tantâ quidem fortitudine suscepta,
ut semper vicerit, & triumpharit.

WILHELMO *Hollandia Comiti Traiectum* ob-
sidenti auxilio fuit, & ne captâ longâ obsidi-
one Vrbs, incolis deletis, excinderetur *nostris*
THEODORI monitis & Ioannis Arculei Episco-
pi potenti intercessione factû, vt ueniâ & vitâ ci-
ues eâ lege invenerint ut discalceati & seminudi
Comiti supplices fierent, veniâque delictorum
postularent.

LUDOVICI quoque *Imperatoris*, maximis
promissis allectus, partes secutus est: & EDOAR-
DO *Anglorum Regi* suppetias contra PHILIPPUM
VALESIVM *Francorum Regem* tulit: ubi ultimo
eoque cruento in prælio 28000. hominum cæ-
sis, PHILIPPVS fugatus est, & *Caletum* diuturnâ
circumvallatione A. C. 1345. in Anglorum po-
testatem devenit. Sed in his alliisque bellis sem-

per piâ

per piâ clementiâ usus, quantum (salvâ iusti-
tiâ ac legibus belli licuit) â cædibus & sangui-
ne temperavit.

Ceterum pace vicinis cum provincijs initâ,
singulare eius gaudium fuit subditorum suorum
pietatem augere, ducto â solempni translatione
S. Margaritæ Martyris A. C. 1321. postridie eius
festi initio. Diva hæc plurimis annis in *Veteris*
Campi asceterio quieverat, quam pijs precibus
ab eius loci *Prelato Patribusq;* impetratam incre-
dibili subditorum concursu totiusque Cliviæ
applausu in Cliviopoleos Ecclesiam transtulit.

Anno â Partu Virgineo 1334. 18. Calend.
Martij in eminenti ad *Calcariam Monte Mon-*
reberga amplissimum Canonorum Collegium
fundavit, quod Walramus Iulius Colonensium
Archiepiscopus inauguravit. Illud verò 18. Mar-
tij. A. 1341. Cliviopolim, Walramo approbâte,
Theodorus transtulit; & *primum benedictum Lapi-*
dem in fundamenta misit: ut his versibus Petrus

Verhagius eiusdem collegiatæ scho-
larcha cecinit:

Flos Comitum Imperij Prorex, tibi Regibus orre:

Dant Pater & septem nominis omen Avi.

(Alberti) satus es gnata seu Nepte Rudolphi.

Qui primi Austriadum scepra tulere domus:

Per te Munreiugo dotata Ecclesia Clivus
 Migrat, & ipsa tuis Vrbs viget alta bonis.
 Imperij laus summa fuit domuisse rebelles;
 Sed maior dici réque fuisse PIVM.

Præter hæc & plura alia similia sacella templa
 & loca sacra hostium incurfionibus gravissimè
 afflicta non instauravit modò, sed & splendidè
 exornavit. Egenis, & reverendis Patribus S. Fran-
 cisci in vrbe residentibus varias ac liberales ele-
 mosynas dedit. Politica eius opera, licet pluri-
 ma & commendanda, studio prætereò; hoc uni-
 cè optandum, ut tanti viri memoria inòvetur,
 & studiū in alijs excitari queat laudatissima eius
 facinora imitandi, in mores suos ac vitæ ratio-
 nes inducendi, ac transportandi. Ex mortalibus
 Clivis 1343. 7. Iulij ad immortales transijt: in
 templo istic à se fundato ac dotato inter pias
 subditorum lachrimas Pius Theodorus conditus
 est, in decretoria illa die uberem laborum, do-
 norum, pietatisque suæ à liberalissimo IESV
 mercedem relaturus, *Ex Pighio & Annalibus.*

XIV.

RESSÆ in *Clivia*, Publicis Litanijs invo-
 catur B. DENTILINVS *Confessor*, rarum
 ac breve teneræ ætatis miraculum, annis non
 moribus

moribus, adolescens, gratiâ curationum conspicuus, ibidem cum sancto suo Patre VINCENTIO Comite in æde B. Virginis, quam vivens ardentè coluerat, quiescens. Ex fast. Gelenianis.

XVIII.

INGENETWILLERE *Juliacensis Agri ad Duram Pago, qui nunc Arnoldivillarum, vulgò Tarzoviller dicitur, Festū S. ARNOLDI Musici, qui ex Gracia symphonicis artibus instructus ad CAROLI MAGNI Aulam veniens, Imperatoris animum plus pietatis, quàm iacunditatis Harmoniâ ita affectit, & ad subditorum commiserationem inflexit, ut de publico pauperibus magno silvarū tractu (quē prandente Cæsare, celeri cursu obequitando, fide & expectatione maiorem descripsit) lignari liceret. Sancti huius corpus superioribus triginta annorum Germanie bellis, campestri & aperto ferè templo non sine vicinorum insigni admiratione illæsum stetit. Mart. Can. & Fast.*

XVIII.

Colitur & Heisterbaci venerabilis THEODORICVS ex illustrissimo WIDANO Comite ibidem humilis maximarumque virtutum Religiosus. Qui
in

in longo Religionis Martyrio, mundo mortuus, terrenam gloriam respuens, ultimo Spiritu mirè recreavit fratres, quem effudit hymnum AVE MARIS STELLA, decantans; nempeut in *Virginis laudibus, cuius semper præcipuo in obsequio vixerat, vocem vitamque finiret. Ex fastis Gelenianis.*

XVIII.

EST & inveneratione ARNVLPHVS *Episcopus Metensis PALATINI sanguinis, qui multa pauperibus erogavit. Humanæ inde vitæ ludibrio & periculis altius perpenſis, populi frequentia relicta, se in inviam, & desertam silvam abdidit, in qua plurimis annis vigilijs, jeiunijs, silentio & orationibus vacans, nemine conscio Angelicam vitam egit, ac inter eosdem felicissimè nunc quiescit. Vir qui in deserto & dulci suo silentio absorptus, tacendo meruit ut omnis illuminatus loquatur. Fast. Gelen.*

XX.

IN Aldenbergicâ Abbatiâ felix exitus venerabilis WICBOLDI *Culmensium Antistitis, & exulis, qui Veteris Montis nobilissimam Basilicam impendijs suis à fundamentis restauravit*

restauravit, ac Dioecesin suam urbemque, suam nobilitatum morte reliquit, dignissimus certè qui æternis litterarum monumentis inseratur. *Ex Men. & Appar. Gelen.*

XXII

IN RHENO ad Regimagum, & Dusseldorpij in Montibus S. Martyris APOLINARIS Ravenatensium Episcopi, qui captus quòd impiam errorum caligine occæcatus ad fidem Christi converteret, & idola adorare renueret, diu desideratum Martyris præmium feliciter consecutus est. *Ex Fast. Gelen.*

XXV.

S. GUILIELMVS origine PALATINVS, ex Montis Pessulani Domino Monachus Ordinis Cisterciensis, eo profugiens, ubi splendorem à Maioribus acceptum religiose familie consortio celaret, perspicuæ innocentie, & integritatis Religiosus, nos exemplo suo docens, mundum pie fallere, Monachos inter Angelus vixit. *Ex Annal. Ord.*

XXVI.

MARCODVRVM *Julie delictum*, frequentissimam vicinarum Regionum urbiumque accursu *Magne Christi Anie ANNE* natalem recolit: Cuius venerandum CAPVT inter
 R. multa

multa & varia prodigia istic coruscum, CÆLO
& IULIO *Papa Romano Iudice* possidet, ab anno
Incarnationis Dominicæ M. D. V. cuius etiam con-
tinuæ præsentie Patrocinio Vrbs, (CAPITE ex
ea nunquam elato) gratanter adscribit sese tri-
ginta tribus annorum continuis bellis tot in-
ter obsidiones rerumque vicissitudines feliciter
immotam, & à flammis excidiòque immunem
stetisse, humili prece rogans, vt *Vrbem suam*
porrò sancta *Patrona* incolumem florentemque
servare maternè velit. *Mart. Can.*

XXVII.

ALEXANDER Leodiensium Episcoporū XXXII.
ALEXANDRI *Romani Pontificis* iussu unà
cum REGINALDO *Coloniensium Archiepiscopo a-*
stante FRIDERICO *Imperatore, Palatinis,* alijsque
plurimis summæ dignitatis *Præsulibus Lipsana S.*
CAROLI MAGNI levavit AQUISGRANI, & in
feretro argenteo piæ populi venerationi expo-
suit. *Ita sancti post longas noctis tenebras in terris*
lucem vident magnam. Ex Annal. Leodiens.

XXIX.

S. OLAI, de sanguine RICHEZÆ, *Norvvegiæ*
& *Daniæ Regis, Regum Regis Preconis & A-*
postoli

postoli Gentium, qui à Germana suo captus, Feriâ etiam sextâ Cruci affixus, tres in ea horas, ad exemplum SOTERIS cum pependisset, horâ diei item nonâ Sanctum Spiritum in manus Conditoris emisit. CORPVS eius illæsum ignem triumphavit: integrumque persistens, multas ac magnas virtutes operatum est. *Ex Alberto Crantzio.*

XXXI.

IN Julæ, Clivæ, Montium. Soc. IESV Collegijs festum S. Patriarchæ IGNATII Loyolæ, qui nihil præter DEI Domini sui gloriam, & Iuventutis in litteris ac pietate profectum, vel maximè expetebat, omnibus omnia factus, ut CHRISTO lucrifaceret. Quo ardore succensus missus ad prædicandum Indis Evangelium S. FRANCISCO XAVERIO, aliisque in alias mundi plagas, ad Religionem Christianam Catholicam propagandam disseminatis, Ethnicæ superstitioni, hæresique bellum indixit, ingenti Orbis Christiani bono. Quem proinde GREGORIUS Decimus Quintus magnis in Ecclesiam meritis, & miraculis illustrem, Sanctorum Fastis adscripsit: ad quos Româ anno M. D. LVI. feliciter evolavit. Lipsanis suis, per hæc & alia Collegia passim relictis. *Ex vita eius.*